

續修雲林寺志

續修雲林寺誌序

杭郡雲林寺誌自乾隆九年厲徵君鶚增修後迄今八十餘年

宸翰疊頒照耀震且實爲諸刹之冠嘉慶丙子秋寺燬於火工鉅費繁建復之舉曠懸數載事聞於

朝

仁宗睿皇帝特賜帑金一萬兩

諭令興工由是浙之大吏暨文武僚屬咸捐俸以助而同里汪君大臨倡商縉增捐之議僉四所總商呈請長官指示綱領酌定規模任持儀課復虔

募於遼州旁郡於是材辦役集擇吉鳩工葉君  
道傳朱君嘉猷孫君培徐君志震輩并力運籌  
灰燼之餘以次營造還靈鷲之壯觀復名山之  
勝境繼始於道光三年孟秋落成於八年孟夏  
當局者及任持因寺誌年遠蹟湮以續修諄諄  
誣諉余惟程功效材諸君子身任其勞而校讐  
之役亦載筆者之責也其毋庸辭爰是不揣謏  
陋彙

天章之巍煥訪金石於嶠嶺舊萃前聞引證時事班次  
部居續爲一編以補前誌之未備焉朱夢錫瓦

式炳莊嚴墜跡遺文僉臚記載推其所自實出於

之錫資龐鴻用能百廢具舉度越前規文物升華隱秀呈露恆沙士女暨遠邇緇流瞻香界而攬珠林咸知

慧日慈雲

聖佛同體

眷顧所及龍象一新實千古希有之因緣受簡之下載仰靈異敬述緣起垂示來茲然則此誌之修豈僅流連山水網羅佚聞畱美譚於瀟苑而已哉

是爲序道光九年歲次己丑八月

賜進士出身翰林院編修充

武英殿纂修官仁和沈鏐彪撰

續修雲林寺誌卷一

翰林院編修 臣 沈鏞彪恭纂

本山住持 臣 僧儀謙

恭校

南屏行者 臣 僧達受

宸音

高宗純皇帝南巡詩

乾隆十有六年辛未暮春題雲林寺二十韻

靈隱古禪林佳稱乃自今佛原泯名象天與闢幽深  
奇絕驚初見清閒試重尋巋巖先陟頂靜室一開襟  
自內尤綜要居高總照臨澄懷參月相對面賞雲岑

稍憩塵中跡聊清物表心冷侵泉漱玉靜聽澗調琴  
乍啟玲瓏竅憑吹金石吟呼猿時踔洞招鶴早鳴陰  
辨茗傳初火攀松驗五鍼洞天窮窈窕乳竇注淙淙  
路盡忽開豁巖攢復鬱森綫光常漏日鳥道欲捫參  
丹闕仙人竈草生王母簪棲巖鑿龍象鎮海協祥祲  
蘿薜蒙櫛蔚雲霞護裀欽認峰垂羽翼續句美球琳  
誰識西來意徒嗤門外音便當旋翠蹕無逸以爲箴

冷泉亭

不礙靜中喧看取動時定小坐忘萬緣浩然滿清聽

雲林寺

聖

寺內存  
皇祖御筆

布襪青鞋始者誰

用杜甫  
句意

僧足高閒宜遠

水盡山幽趣轉奇中宏恰當關檀維明珠仙露垂乎  
俗佛無揀擇曷居斯尋巖步履吾原慣更覺雲深意  
與遲

雲林寺方丈小憩示僧

雲居十笏暫徘徊悅可蒼松及古梅何事山僧門外  
立招呼且向箇中來

飛來峰歌

武林山高九十丈迴巒複壑含萬象舊時靈隱今雲  
林靈隱康熙  
間賜今名月地雲居虛且朗天龍八部共諮議宜



有奇嵐作屏障調御丈夫破顏笑何須爾力勞鞅掌  
惟而天竺靈鷲峰彈指飛來大方廣飛來閻浮人不  
識碧眼胡僧識非誑恒河沙數無量佛佛坐峰頭白  
毫放但看相好及手印一一不異梵銅像厯劫萬億  
不飛去鎮以佛力信無爽我來徒躒未前逢玉堂雲  
鏤相偃仰怪石斜墜挂天紳異木倒生謝土壤猿吟  
鶴唳演摩訶不樸人間絲竹響奇境至此無更奇大  
士如如不動想

乾隆二十二年丁丑春日冷泉亭恭依

皇祖靈隱寺詩韻

嶺是西方鷲飛來住巖我名山觀不少此地比靈多  
法苑開龍象清襟洽薜蘿諸天應供護御輦昔曾過

### 飛來峰歌

我欲靈隱陟高峰經茲且憊窮竊竊三十六曲旣盤  
降韜光庵已散幽抱奇境當面竟失之山靈感我巖  
疎笑辭騎屨步聊爾爲乘興何必拘葩瑤千億化身  
棲碧巖法華國土奚能考一佛一樹經所之非色非  
空誰則曉是時雨後幻陰晴洞中鍾乳垂津寶便當  
擺脫六根塵如是法味餐以飽而我先憂後樂人與  
佛有緣無就道作歌亦如慧理歎傳名而已堪絕倒

乾隆二十七年壬午暮春冷泉亭用宋之問韻  
飛來蘸翠巖屏障已清寥月地開如鏡雲璈沸似潮  
柏烟林外寫花雨座中飄泉冷石爲瘦峰高樹與遙  
考功昔遊歷此處感榮彫五字殊難屬一聯渾解器  
江南曾有贈當面昧津橋

冷泉亭再依

皇祖靈隱寺韻

飛來峰畔路法相坐嗟峨宛識祇園近已聞梵唄多  
法雲開月宇仙籟下烟蘿到處瞻光被龔牆豈是過  
乾隆三十年乙酉春用李紳杭州天竺靈隱二

寺詩韻

西湖一帶西峰護入谷偏欣諸寺連遮曲徑常逢野  
竹落斜澗便有鳴泉春輝萬卉噴芳霧日照千峰生  
紫烟可惜鬧中真靜地闔黎若箇解參禪

公垂已日重雕飾厯代斯風益以深但識莊嚴僧取  
相豈知清淨佛無心偶然尋勝聊登筏那爲修齋事  
布金此日杭州尙天竺當年靈隱易雲林

冷泉亭三依

皇祖詩韻

冷泉繞曲曲鷺嶺矗巍巍襟帶有如此清涼那見多

雲居懸月地塵跡埽風蘿分付庭前柏記予四度過

乙酉閏春仍疊宋之問韻

五字轉巽巽千秋屬和寥兩章笑多事一滴欲增潮  
緬想慕然遇重尋去若飄都成佳話許漫惜勝期遙  
過雨花如笑經冬松不凋原來符道趣那得惹塵囂  
識取冷泉畔橋爲信度橋

乾隆四十五年庚子暮春

駐驂軒詩

靈隱易雲林奎章歲月深名從工部借詩意考功吟  
詎必頻賡韻那無一寫心偷閒成五字佳境向前尋

疊李紳杭州天竺靈隱二寺詩韻

聖湖西畔多佛宇靈隱原來天竺連兩北南峰竚峙  
刹八功德水鏡呈泉筠篁萬个仍護徑香火諸方不  
斷烟僧海於斯信然矣就中誰透上乘禪

一富一貧分兩寺李紳尙未悉之深因教僧錄周急  
體不異法平王等心自昔已稱雕與飾卽今仍燦碧  
還金促成七字歸鞍控靜聽鐘聲送出林

飛來峰得四絕句

西天竺與東震旦大地三千一掌平宇宙以來便有  
此甯資慧理始傳名

玲瓏峰裏崎嶇棧熟路之中展步尋以世悟形容弗  
得虛空體現妙明心

嵌巖梵像無央數聞說鑄成自大元福業禍因齊置  
卻景增萬古護祔園

岵嶸奇峰烘翠烟緩尋詭徑意祺然閱茲常住威光  
裏彈指頃過十六年

冷泉亭四和

皇祖靈隱寺詩韻

峰入飛來路玲瓏復崎嶇卽看佛宇富應識祖恩多  
春物鬯階卉山雲潤壁蘿豈期十五載仍此一相過

乾隆四十九年甲辰季春

駐驂軒詩

今日雲林昔靈隱  
雲林越邃隱  
滋靈相資殷  
故聖畱  
額本合相知  
佛有經苦行  
僧常修業白  
清吟客祗悅  
山青卻憐文物  
斯邦久何少  
劉家陋室銘

再遊雲林寺

靈隱山陰雲林寺  
臨安會稽會  
尺咫仙家尙有縮地  
術佛法靈無轉面  
理浙中諸寺此最古  
礪壑幽深尋  
迤邐冷泉亭可換  
洗心較量雲棲斯麗  
矣其貧富又殊天竺  
爲之酌劑亦偶耳



再疊李紳杭州天竺靈隱二寺詩韻

天竺居南靈隱北一岡爲隔路原連湖西自古兩巨  
寺徑側恒通幾道泉之問五言窘觀日公垂合相詠  
侵烟至今僧海依然數幾箇能參指月禪

二寺唐時各殷富頓殊此日歲年深旬宣雖是示公  
道鎖拂未嘗無別心仍看撐船收盞飯幾曾解橐贈  
檀金祇宜聽耳無關政詠罷歸興度谷林

雨中由風篁嶺下至靈隱寺路作

明當旋蹕歸勝境欲重顧風篁越迴嶺卽入靈隱路  
雖云石徑仄舍近求遠誤溼露旁拂雨暗衝低羃霧

黃山縱未觀木蘭實屢遇昔策馬直行今乘輿緩步  
老矣不覺慚婆娑興猶故

冷泉亭

飛來峰之側呼猿洞之口曲澗宛轉間中有玉龍吼  
功德任彼稱清冷恒自守白空尚弗可日色更何有  
林洪惜流出未免失亭帚

五和

皇祖靈隱寺詩韻

皇祖題靈隱

奎文山並峨雲林實後易歲月亦云多映砌長禪草拂

窗密慧蘿觀韶如季札不擬重相過

乾隆十六年辛未春遊韜光寺

雲林境已幽韜光幽更極蜿蜒盤雲逕仰視天一隙  
琅玕輪尺圍過雨翠欲滴蔥蒨交風枝似埽行人跡  
野禽送春聲可見不可識猶嫌山寂歷間以泉淙石  
攀陟造其巔長烟一空白稍待烟旋消千里來几席  
近湖遠者江由江達海直足力不能窮結攬須臾得  
譬如虛室光其通乃在塞畱茲片晌興酬彼萬古客

再至韜光

前日坐韜光觀海窮境遠今日登高峰韜光又平坦

以此識萬里進界無止滿徒愛境致幽輒復將畫呈  
嵐翠度重重逕險遵踈踈山鳥及山花夾道紛不斷  
松翻綠雲滿竹帶碧琅粉不歷百磴難安知十里近  
山僧縱慣經和南笑而莞

二十二年丁丑仲春再至韜光坐金蓮池上用

白樂天寄韜光禪師韻

最愛翠鬟處因之白足家鳥啣飛葉竹魚上落溪花  
倡和成陳迹林泉自道芽上人者箇在不領一杯茶  
暮春月再至韜光

雲林別室小徜徉深秀真稱委宛藏兩寺由來分一

寺湖光無際接江光奇松詭石天然靜澗草山花自在芳不辨北高峰下路碧琅玕表矗蒼蒼

金蓮池用韜光禪師答白樂天詩韻

剏開泉結得茅庵自然眠官舍何妨辭玉粒山池好在自金蓮想他謝往招來日仍此行雲流水天何藉海寧稱好古苔華重見碧峰前

二十七年壬午暮春月再至韜光

韜光寺裏一泓水奇蹟應同卓錫泉此日偶然臨碧鏡當年見說現金蓮常涵古往今來月不異雲容山色天七字促成旋命駕清新卻愧白家篇

又

言遊淨室別雲林曲曲山蹊步步深輪尺筠竿紫粉  
墜垂尋泉脈玉絲斟不因初狹歷層磴那得中宏暢  
遠襟耽靜未宜歸救政安能箇裏學安心

三十年乙酉春閏月再至韜光擬白居易寄韜  
光禪師仍用其韻

試言太守第何似法王家入逕多松竹盈庭有藥花  
其來對蒲席相與剝蕉芽奚必金蓮畔恒耽泉煮茶  
閏月中泚再至韜光雜用三首

幽絕雲巢棲碧嶂絳琅玕裏歷階磴笑予詩句非杭

守又此無端訪蜀僧

襲芳曲徑滿蘭蓀出竹纔看柰苑垣自是佛無人我  
見玉虛上相坐當門

金蓮池上小逡巡名蹟千秋幾不堙斷碣何從覓蘇  
趙書詩惟見近時人

韜光庵疊舊作韻一首

竺庵猶隔幾重林靈隱西廂路入深借石爲關誰許  
敏引泉接竹遞相斟上方殿塔寂鐘磬下界湖山自  
帶襟比喻漫同虛空白箇中祇合證無心

又

巢清塢裏有清泉足供枕流漱石眠那籍多人聯白  
社願同枯木守青蓮一泓清泚甯非水萬古空明亦  
映天莫怪山僧不出戶伊蒲領在未招前

韜光詩一首

靈隱暢清遊曲徑西北向翠雲入叢篁赤城盤疊嶂  
尋幽極翁翳造端乃宏曠近山遠者湖縱橫歸一望  
竺庵名韜光其義蘊無量衣錦復尙絢儒佛豈殊狀

又

重尋幽谷入筠林步步非塵得得深佛宇不期行以  
到詩情相與酌而斟松聲泉韻近宜聽山色湖光遠



豁襟此是天龍一指處去來今那覓從心

四十九年甲辰季春月下澣至韜光

竺庵幽隱號韜光尙綱惡文義足方誰謂墨儒不同  
道從之亦可用其長

辛未初遊斯甲辰忽忽不覺卅餘春每來必有詩畱  
詠光弗能韜御費神

韜光庵三疊舊作韻

平生志不厭山林況此山林處最深螺髻龍參植篆  
結金蓮池汲茗漿斟片時靜可消塵慮七字成聊託  
素襟行漏洽洽促歸轡日歸日住兩無心

擬韜光禪師答白樂天三疊其韻

蜀人性本樂林泉偶爾結庵供食眠覆釜漫招積廚  
飯巢溝難捨耨池蓮禪宗頗慙曾參月師囑聊安此  
遇天偶撫遺蹤三疊韻底論成佛後和前

擬白居易寄韜光禪師三疊韻

莫說毘尼守弗遊居士家甯忘彼摩詰曾見散天花  
筇竹何妨築禪杖不復芽有來應有往擬去領杯茶

墨寶

聖祖仁皇帝賜

飛來峰三字

高宗純皇帝賜

瀟嶺龍宮匾一方

佛殿對一副

涌翠披雲匾一方

雲林五言排律詩一軸

石刻金剛經寶塔圖一軸

石刻心經寶塔一軸

以上俱乾隆十六年賜

三希堂法帖一冊計兩套三十二本

石刻水月觀音像一軸

以上廿二年賜

石刻蓮經一部

和宋之問治景亭詩匾一軸

以上廿七年賜

驚龍龍宮匾一方

石刻黃龍洞祖師像一軸

三十年賜

清化閣帖一部

三十八年賜

墨碑貫休羅漢十六軸

四十年賜

無量壽佛經二卷

五百羅漢名號二卷

石刻娑羅樹畫一軸

玉如意一柄

以上四十九年賜

欽頒白傘蓋經一匣

蓬萊仙鼎硯一方

石刻蘭亭手卷一個

以上五十年賜

諭旨

乾隆四十三年二月二十七日布政使臣徐題

奏竊照西湖雲林禪寺爲杭州一大叢林恭逢

皇上翠華臨幸

宸翰疊頒東南勝地名藍光增佛口前因殿宇年久漸

圯曾于乾隆四十一年據寺僧之請臣稟商撫臣

三與司道各府捐廉修葺業已竣工惟是雲林

寺僧五百餘人食指浩繁向無齋糧香燈之產止

藉募化居民齋飯以資餬口因與天竺相近前因

撫臣周人驥飭令雲林寺僧就近帶管以天竺香

火之有餘雲林齋糧之不足嗣於乾隆三十八  
年雲林住持年老不能經理另選戒僧接管天竺  
因非一派於是天竺香燈遂與雲林無涉臣查寺  
僧五百餘眾僅藉日募齋飯已虞不足設遇風雨  
之期更恐未能接濟昨蒙

皇上詢及雲林天竺情形仰見

惠養仁恩無微不至如蒙

聖恩仍令雲林寺僧帶管天竺俾得齋糧充裕靜志修

持五百餘眾頂頌

慈益深歡祝於無量矣謹

奏

乾隆四十三年二月二十九日

奏奉

旨交軍機處寄信浙江巡撫查辦欽此

乾隆四十三年三月初七日准

兵部火票遞到承准

大學士公阿 大學士于 字寄

浙江巡撫王 乾隆四十三年二月二十七日奉

上諭昨召見山東布政使徐 因其在浙歷任司道最  
久詢其該處水利情形據稱湖州一郡地近太湖上



承安吉孝豐天目諸山之水爲杭州之下游全藉宣洩得宜以衛田廬而安民業向有漊港七十二道不特湖州一郡水利攸關卽毗連杭屬各縣亦藉疏洩之利並據口稱將來若蒙親臨指示寔爲民生攸賴且由杭州自雲橋而進至江南平望歸於官塘路程亦不甚紆折等語湖州既有應修水利關係杭湖兩郡農桑自應取便前往閱視但湖郡向未經臨該處河道是否寬廣水營絲路有無妨碍民田不甚費事著傳諭王 悉心籌酌是否可行據實具奏又徐另片奏稱雲林寺僧食指浩繁向無齋糧香燈之產

止籍募化以資餬口從前曾令兼管天竺以香火之  
有餘補齋糧之不足嗣因雲林住持年老另選戒僧  
管理天竺遂與雲林無涉若仍令雲林寺僧住持帶  
管天竺齋糧庶得充裕等語雲林爲浙中古剎僧眾  
甚多自當爲之調劑前此令該寺住持兼管天竺以  
有餘補不足較爲兩便若天竺剎小而僧少原不值  
令其獨擁厚貲更爲量爲妥辦並着交與王 卽行  
查明令雲林兼管天竺仍具摺覆奏俾禪流無虞缺  
食將此諭令知之徐 摺着鈔寄閱欽此

乾隆四十二年三月二十二日撫

臣

王

夾片

奏覆奉

上諭雲林兼管天竺較爲兩便若臣查明覆奏臣查雲

林天竺住持向來更換不一臣前於藩司任內因

念雲林清苦令天竺於餘剩香資內每歲幫貼銀

五百兩曾經詳明立案至今遵行今蒙

鴻慈普被無隱不周自應遵

旨卽令雲林兼管天竺臣現在酌定章程飭令永遠遵

守外合先

奏覆 四月二十五日奉

硃批覽欽此

乾隆四十四年三月初九日爲恭摺

奏明事竊照雲林一寺僧多糧少上年欽奉

諭旨令其兼管天竺飭臣查明妥辦當經臣將遵

旨辦理并現在酌定章程緣由先行恭摺

奏覆在案旋據司道具稟天竺出息全在香市彼時

香市已過所入銀數難以細查應如何調劑之處

亦無憑酌辦應俟今春香市之後再爲覈實妥議

茲接據布政使國 會同按察使孔 糧道楊

鹽道陳 詳稱天竺雲林均係杭城古剎兩寺各

有荒埔山地三千六七百畝花息無多惟三春香

火較盛今細加查核雲林寺歲入地租香火佈施  
約有二千餘兩天竺法喜寺歲入地租香火佈施  
約有五六千兩先因雲林寺僧齋糧不敷曾令天  
竺於餘剩香資內每年撥給銀五百兩以資幫補  
而雲林之僧自較眾天竺之出息較贏挹彼注茲  
庶可永遠遵守第雲林天竺兩寺歷來各有住持  
雖更換無定而責成宜專且天竺祈晴禱雨爲  
大士靈感道場更須設有專僧常川經營從前雲林  
兼管天竺兩寺一僧顧此失彼以致日就廢墜自  
另選圓照寺僧人明水經理以來百廢具舉甚爲

出力詳加斟酌天竺雲林二寺住持似應均仍其舊惟是天竺出息既兩倍於雲林而雲林僧徒又兩倍於天竺必當裒多益寡以示均平今仰體

皇仁應令天竺於每年幫貼雲林銀五百兩外再增幫銀一千五百兩連前共二千兩則雲林齋糧更得寬裕天竺方丈仍有專僧兩寺緇流均

錫恩於無既矣等情具詳到臣覆加查核似屬周妥

所有辦理緣由理合恭摺

奏覆伏祈

皇上睿鑒謹

奏 四月十一日奉到

硃批知道了欽此

禁約免糧碑附

禁約碑

浙江杭州府正堂加十級蘇 爲禁約事照得飛來  
峰形勢巉巖巖壑玲瓏收聚黃山天目來龍之氣其  
鍾靈毓秀有關省城文脈之興替東晉咸和年自西  
域聖僧慧理於峰前峰後開建靈隱靈山兩刹其各  
益著隋仁壽二年敕建浮圖七級以鎮壓之名曰禪  
尼塔其以神尼命名者蓋因尼智仙神通風具文帝

沐其點化故於塔中既理世尊舍利且供神尼之像  
馬事詳龍藏法苑珠林班班可攷自是之後此峰遂  
稱爲國家禁地宋相韓侂冑欲於其上妄卜牛眠民  
謠曰靈山一片地上有王者氣丞相營首邱不知主  
何意其覬覦之心遂不敢逞及明天啟元年有陳宦  
者復萌僉冑之心事聞巡撫蘇公除一面審斷外另  
於懸崖峭壁鑿穿窠四大字曰天子萬壽款曰天啟  
元年都御史臣蘇茂相恭立至今炳炳烺烺萬目畢  
覩其稱臣者示者器所在卽天威咫尺之所在禮曰  
齒路馬有誅蹴路馬芻有誅夫以君王之馬與馬所



食之芻蕘之蹠之罪且不宥何況山有天子之號而敢於其頂上尙可謀葬之人哉此猶往事也康熙二十八年

聖駕南巡駐蹕靈隱賜以雲林之額尤鍾愛此峰題詩紀勝有曰靈山含秀色鸞嶺起嵯峨又曰開襟對層碧下馬撫煙蘿則是前日之禁惟閑勢豪謀佔之邪今日之防更爲

天子神明所注是一草一木尤當愛護使無損也近聞不法僧徒利欲熏心不畏國典公然將峰頭地畝盜賣於豪家葬墳兼有不逞之輩竊盜塔磚朋奸作孽

盜賣者固不懼王法盜買者豈不愛身家乎夫以韓  
相不能得之於宋陳宦不能得之於明今何物勢豪  
而敢謀此龍穴也哉若謂價買非謀天下名山莫非  
王土延僧奉守香火以祝聖壽名爲千年常住不同  
俗家父祖所遺之私產也若使一朝僧可賣千年常  
住凡屬天下匪人無所投奔相率逃入空門今日削  
髮明日賣山是恒俗嵩華皆偷兒乞丐起家之本也  
天下名山僧佔多蓋常聞之天下名山僧賣多有是  
理乎本府有守土之責聞此奸宄切齒恨之是以細  
攷圖籍詢之耆老不惜至再至三知前人守護之難

難如彼今人廢敗之容易如此天竺靈隱同一慧理  
開山爲之後者何度量之相越若是乎合行給示勒  
石永禁爲此示仰軍民僧俗地方保甲人等知悉嗣  
後飛來峰上並宜栽樹修塔培養名勝永不許營葬  
墳墓敢有謠不受化仍蹈前轍其盜賣盜買之輩以  
及堪輿看墳之人一體依律治罪決不姑貸更有論  
者從來名勝之地疆畔遷變雖不無各有管業若其  
風水關乎萬姓古蹟建於前朝仍是天下公器此峰  
此塔晉隋故物也且闔省文風所係

國家王氣所鍾嗣後若靈隱盜賣此山寸土許下竺

協同地方報官若下竺盜賣此山寸土許靈隱協同  
地方報官立刻鎖拿究明仍通詳各憲重處此出於  
本府親訪事關地方故不辭叮嚀告誡爾等當悔過  
自新毋以身試法可也須至示者右仰知悉 康熙  
三十一年五月二十三日給

杭州府錢塘縣加一級黃爲禁約事照得靈隱寺前  
有靈鷲一峰向石叢削青蒼玉削且巖層窈窕嵌空  
玲瓏雖爲古剎之屏障實係杭郡之文峰自古賢哲  
挺生莫不鍾靈於此其飛來之名始自晉僧口讚然  
而峰巒一帶奇秀無窮故形家之說以爲有王者氣

宋相明官曾經圖雜祇不過徒然遺笑百代耳又何  
濟於事哉茲有欲蹈前轍者寧不以往鑒作誠意欲  
何爲耶前

爲南巡曾經駐蹕寺賜雲林峰加題咏附近僧俗尤  
當加倍守護以成勝地卽一草一木勿許擅動今本  
縣訪聞有不法僧徒貪其貨利敢將峰頭地畝擅行  
議賣致使本地奸棍溺於風水百計營求罔顧從前  
刊碑號觀各憲禁約一有損傷所關非細合行嚴禁  
爲此示仰閭閻軍民以及僧眾諸色人等知悉嗣後  
恪遵禁示勿效昔日痴人務於飛來峰上廣爲培植

勿捐點塔豈特增輝乎佛境抑且裨益於文顧倘有  
不遵仍想竈多有傷來龍者或經訪出或被告發本  
縣卽據實通詳定將賣山買山之人立拿究解斷不  
稍爲寬貸也慎之特示康熙三十一年五月二十九  
日給

免糧碑

特受浙江杭州清軍驛傳總捕分府帶管錢塘縣事  
加二級泰 爲額

恩奏免徵輸以廣

皇恩以庇靈山香火事雍正四年十月三十日奉署本

府憲紹分府加二級徐憲牌奉布政司憲牌奉巡撫  
都察院李憲批據具呈雲林寺僧智廣呈稱竊雲林  
寺永爲浙江祝釐道場省會禪門但荷

聖祖施法外之仁凡

翠華臨幸處所如省城淨慈甯波普陀等寺應輸錢糧  
均沐

恩免惟雲林已邀

聖祖仁皇帝巡幸七次未奉

恩免且雲林實無山息田畝所有寺基與寺外至九里  
松大路計共二百六畝并石碯荒山共三千四百畝

些利全無輸納維艱仰懇轉達恩免等情奉批仰  
布政司查例詳覆等因批示行府下縣遵卽查明淨  
慈免糧之例詳覆蒙署府徐核議請將該寺戶下山  
地三十六畝照依淨慈之例概行攤免具詳前藩  
憲許批仰再確議覆蒙前府憲孫議將該寺戶下丈  
明寺內行宮殿宇基址徵地一百一十四畝七分  
三釐二毫五絲土山四十一畝九分五釐一毫并該  
寺戶下攤加鄉市丁銀具詳請照淨慈寺免糧之例  
均攤各里其餘一切山地條糧仍令僧完詳奉  
轉詳總督浙江部院管巡撫事李憲批錢邑糧額因



勾丁加增載各邑稍重現在酌量於許村丈出沙地  
案內議補仰候彼案文明之日另詳核奪茲於雍正  
六年正月十三日蒙本府憲牌爲曉諭丈出隱佔地  
畝抵補仁錢二縣市丁錢糧等事雍正六年正月初  
九日奉布政司憲牌雍正五年十二月十六日奉總  
督浙江部院管巡撫事李憲牌前事行司到府飭行  
清出許村沙地銀內于雍正六年爲始抵補仁錢二  
縣市丁銀兩并抵補雲林寺原詳批免銀米等因知  
照下縣于雍正六年五月初三日遵將該寺戶下批  
免山地條銀六兩八錢七分三釐清米五石五斗二

升三合三勺漕截一兩四錢六分九釐二毫該寺戶  
下撥加鄉市丁銀一十二兩九分三釐四毫造冊具  
詳前請憲彭轉呈總督浙江部院管巡撫事李憲批  
知照題明咨部俟海防廳徵追前項沙地租銀內照  
數發縣抵補在案于雍正六年九月十五日奉前府  
憲郭憲牌奉總督浙江部院管巡撫事李憲牌前事  
行司到府仰縣即將先後詳批雲林寺基應免數目  
分晰備敘原委頒給帖文令其勒石遵照以垂久遠  
仍將碑摹詳送附案等因奉此爲查免山地畝分字  
號細數先經給示曉諭并詳覆註冊于雍正六年爲

始扣免外合行勒石永遵爲此示仰雲林寺僧卽便  
遵照憲批永各遵守須至碑者

田間

千八百三十八號徵地四釐一毫二絲 率字九  
百六十七號徵地一分四釐八毫八絲 率字一千  
七百五十九號徵地一畝四分六釐八毫八絲 率  
字一千七百六十一號徵地三畝八分一釐二毫二  
絲 率字一千七百六十四號徵地八分二釐六毫  
九絲 率字一千七百六十六號徵地一畝三分一  
釐三毫九絲 率字一千七百六十九號徵地五畝

五分三釐四絲 率字一千七百七十二號徵地一畝四分四釐五毫一絲 率字一千七百七十八號徵地五畝九分八釐六毫 率字一千七百八十一號徵地四畝八分一釐七毫四絲 率字九百二十五號徵地一畝八分三釐九毫五絲 率字一千七百五十八號徵地五畝六分五釐一毫七絲 率字一千七百六十一號徵地四分七釐九絲 率字一千七百六十二號徵地一畝二分七釐 率字一千七百六十五號徵地六分四釐九毫九絲 率字一千七百六十八號徵地三畝二分一釐一毫八絲 率

字一千七百七十一號徵地三畝九分六釐九毫八絲  
率字一千七百七十四號徵地九分五釐八毫  
率字一千七百八十號徵地六畝四分七釐八毫  
二絲 率字一千七百八十二號徵地一十九畝二  
分三釐四毫 率字一千七百八十三號徵地四分  
四釐三絲 率字一千七百八十七號徵地六畝一  
分五釐三絲 率字一千七百八十九號徵地六畝  
五分一釐四毫八絲 率字一千七百九十三號徵  
地一畝三分四釐三毫 率字一千七百九十六號  
徵地七分一釐七毫五絲 率字一千七百九十八

號徵地一畝九分三釐九毫一絲 率字一千七百  
八十四號徵地二畝六分八釐八毫一絲 率字一  
千七百八十八號徵地三畝二分三釐 率字一千  
七百九十號徵地二十畝二分四釐 率字一千七  
百九十三號徵地一畝九分一釐二毫二絲 率字  
一千七百九十七號徵地四分二釐九毫六絲 以  
上共徵地一百一十四畝七分三釐二毫五絲 率  
字二千八百六十八號內土山五畝 率字二千八  
百七十號土山十五畝三分二釐二毫 率字二千  
八百六十四號土山四畝二分二釐六毫 率字二

千八百六十七號土山二畝六釐九毫 率字二千  
八百六十九號土山五畝三分三釐四毫 率字二  
千八百七十一號土山一十畝 以上共土山四十  
一畝九分五釐一毫

嘉正七年歲次己酉夏五月

日立石

教賜雲林禪寺免糧碑記

雲林禪寺爲浙省祝釐叢林

聖祖仁皇帝七巡浙江屢蒙

賜額匾對

皇恩疊沛有加無已幸無寸田粒租惟不毛山三十六

頃有奇糧無所出雍正六年前住持智廣將寺內殿  
基園場地一頃一十四畝零土山四十一畝零歲該  
條漕六兩八錢零許寺戶攤加鄉丁銀一十二兩零  
漕米五石五斗零漕截銀一兩四錢零呈奉前宮保  
督憲李批准豁免於乾隆元年前開憲稽題明奉免  
在案乾隆二年又據前任住持明覺復將寺外官路并  
飛來峰亭基共徵地四十四畝零土山六十二畝零  
石山八十六畝零歲該條漕銀三兩七錢漕米二石  
四斗餘漕截銀六錢復呈前開憲稽題准豁免二次  
奉免之外尚存徵地三十八畝零土山七頃二十四



畝零中山二十四頃零石山一十四畝零水蕩二畝  
零歲該條漕截銀并徵銀三十六兩八錢漕米一十

七石零今住持義果監院德球又於乾隆四年呈巡

撫都察院盧批送藩憲張府憲姚轉行仁邑縣主葉

錢邑縣主王勘明詳奉會同閩浙督憲德漕運督憲

託合詞具題奉 旨准於乾隆四年為始通數全免

欽遵在案除三次豁免字號銀產數目已蒙錢邑縣

上開造印冊給發常住收執并蒙出示飭禁毋許地

根侵佔外為此遵奉 旨憲立碑寺內鐫記前案如

左乾隆五年三月日雲林監院德球公同兩序等敬

墓立石

免糧碑

戊申年十月七日謁佛雲林住持僧

重照

指呈免糧

碑並殘缺不全之狀按係乾隆二年九年兩次題  
奏奉免外尚存徵地土山石山水蕩三千一百七十  
八畝零於乾隆四年先中丞漢亭公巡撫浙江題  
奏豁免僧眾感激

聖恩立碑鐫記三次全案歲久斷缺剝落難徵敬維

皇仁所被先帝所留爰泐新碑依文照刻附跋於後乾  
隆五十二年歲次戊申十月兩浙江南等處鹽法道

加四級紀錄十次襲平盧松書

重修雲林寺誌卷一終

續修雲林寺誌卷

重興

雲林寺興廢

和翟灝

雲林寺舊名靈隱寺晉咸和元年僧慧理登飛來峰曰佛在世日多爲仙靈所隱今此亦復爾邪因建寺名靈隱相傳寺額乃葛洪書或云宋之間書山門曰絕勝覺場正殿曰覺皇殿唐會昌廢敎寺毀後稍稍興復規制未宏吳越錢氏命僧延壽開拓建經幢于寺門左右宋景德四年增寺額景德二字南渡高孝兩朝屢幸號禪院五山之第二山元明興廢靡常今

寺則順治時僧宏禮所重建也宋志聖蹟有百尺彌勒閣蓮峰堂白雲堂千佛殿延賓水閣望海閣巢雲亭松源菴直指堂及梁簡文石像記唐司空曙詩僧遊式五峰合澗詩石刻宋理宗御書覺皇寶殿妙莊嚴域大字元明聖蹟有一笑軒交蘆室妙應閣安遇堂禪悅堂面壁軒歸雲庵淨居庵白雲菴今惟覺皇殿直指堂尙仍舊名新蹟則有羅漢殿金光明殿輪藏閣大樹堂南鑑堂聯鐙閣華嚴閣青蓮閣梵香閣玉樹林紫竹林蒙堂萬竹樓諸勝康熙二十八年

敕賜名雲林寺乾隆十六年

御題覺皇殿曰鷲嶺龍宮直指堂曰涌翠披雲

重修雲林寺記

三 寶

溯自漢明帝時白馬西來名都梵刹遂徧寰區其最勝者莫若錢塘之西湖西湖諸山又以靈隱爲特勝蓋其眾山圍拱一峰中斷林石秀萃雲煙萬狀中遠睇湖光朗然石鑑洵屬東南異境五季以前興廢勿論矣唐大厯時廢而復興錢氏有國令僧延壽起石幢殿仍咸和覺皇之舊後又建千佛閣法堂彌勒閣等處其時尚沿東靈鷲西靈隱故址析而二之宋景德間合爲一改絕勝覺場爲靈隱禪寺理宗時駐蹕

屢幸又改法堂爲直指堂嗣後廢興代嬗明洪武永樂宣德間若惠明善才良玠諸僧先後增復勝槩至隆慶三年燬於雷火萬厯壬午僧如通說經募眾始得黝堊有加此勝代以前相沿梗概也

國朝順治戊戌大殿燬僧宏禮鼎新之康熙癸亥癸酉及辛巳等歲恭奉

聖祖仁皇帝鑾輅疊次南巡

御書雲林二字改名雲林禪寺

賜金佛一尊香金五兩

御書禪門法紀額

恩賚有差雖正戊申前制府彭城李公募修重葺自  
章屢賁香鬻恒春固足合蘭若甘膏長沾衣蓋也今  
我

皇上懇舉時巡

翠華之莅茲寺者前後共七次輝煌

睿藻之隆與日月湖山常瞻瑞彩其視東晉以來規模  
宏遠矣惟是永澤期於宣化而集福本諸善緣余自  
乾隆癸巳春奉

命撫浙閱今五載幸時和歲稔凡政治之導揚

士德嘉惠民生者謹次第修舉歲乙未雲林寺僧告以



殿宇傾圯援前李制府例請加修葺余諮於前署藩  
司徐君命杭郡囑守詣寺揆計度程議既定爰首率  
闔屬官僚共捐廉俸七千四百員有奇僧又募輪千  
金撰吉鳩工官課勤惰僧司出納不擾不撓孚沈越  
事於是

御供金佛殿

御碑亭

駐蹕亭與夫大殿天王殿大山門殿及法堂羅漢堂春  
法帝泉翠微諸亭以次繕治經始於乾隆四十年十  
月至四十二年六月事竣計工三萬餘緡費九千二

百餘兩適當落成後新永

命移任兩湖總制將戒程去僧德照鑿碑石請余記  
之余惟浙人稟山川清淑之氣士秀民淳爲善最易  
茲寺之修豈惟崇象教哉上以彰

熙時宸翰之昭垂下以慰瞻禮皈依誠之眾願殆亦善俗  
宜民之一助也遂允所請而爲之記巡撫浙江等處  
陞授湖廣總督都察院右都御史兼兵部尙書世管  
佐領三寶謹

布政使司布政使孫含中前署布政使司按察使  
徐烈按察使國棟督理糧儲漕務道陸允領兩浙

江南鹽驛水利道噶爾弼善分巡杭嘉湖海防兵  
備道梁鈺分巡金衢嚴道吳恩詔分巡溫處兵備  
道楊漢前署湖州府知府候補道巴國柱杭州府  
知府邵齊然嘉興府知府張紹元湖州府知府楊  
成龍寧波府知府徐崑紹興府知府席椿台州府  
知府衛詣金華府知府凌廣赤衢州府知府王士  
澣嚴州府知府吳徽士溫州府知府鄭濤處州府  
知府王榮勛署嘉興府知府西防同知王燧同勒  
石候補道汪秉德候補道汪立德原任湖北黃州  
府知府夏瑚直隸州加二級黃寧知州撫轅巡捕

謝士超管理仁和場蔣照通判顧歧山杭州府鹽  
課公商許南江沈大進王佩箴仁邑典商眾姓錢  
邑典商眾姓錢邑金武錫全男秉剛助鐵栗木一  
枝乾隆四十二年歲次丁酉孟秋吉日

兩浙鹽運使察院廣摺奏稿

十月十三日 奴才 在京面奉

諭旨上年雲林寺失火焚燒大殿飭發運庫鹽課銀一  
萬兩交該寺僧承領起建等因欽此仰見

聖恩廣被

特發帑金俾該寺古剎仍復舊觀之至意

奴才

回任後

遵卽傳到該寺住僧恭宣

恩旨並于運庫征存鹽課內動支銀一萬兩備具綵亭  
敬謹送往合寺僧人焚香跪接叩謝

天恩奴才復親詣履勘查該寺被焚大殿一座工程雖  
不甚多而需用木料較大未免難于購求卽經費亦  
尙須預爲籌備奴才諭令該住僧將承領

欽賜帑銀卽速購備大號木料以便興工一面會同撫  
臣程率同在省文武大小官員及商人等分別捐  
輸共勦盛舉除俟捐有成數陸續發交該住僧自行  
經理其不敷銀兩飭令該僧捐募外合將僧人感激

惴忱繕摺代謝

天恩伏乞

聖鑒謹奏嘉慶二十三年十一月二十二日附片具奏

兩浙鹽漕察院廣札

知照摺奏回任并飭發起建雲林寺大殿銀兩札鹽運司知悉照得本院於本月二十二日具奏回任謝恩一摺并附奏恭宣

恩旨飭發運庫鹽課銀一萬兩起建雲林寺大殿一摺候奏到

硃批另行恭錄行知外合先鈔摺札知札到該司即便

遵照竝於運庫征存鹽課內動支銀一萬兩備具綵  
亭敬謹送往交該寺僧承領具報毋違嘉慶二十三  
年十一月二十七日下

重建雲林寺碑

余奉

帝撫浙之明年值雲林寺殿工告成諸紳士請余誌碑  
以垂久遠按雲林爲古靈隱寺在會城之西十餘里  
襟江帶湖風壑形勝晉咸和間竺僧慧理始卓錫開  
山因山著名連建五刹唐時屢更興廢四刹湮沒無  
考而靈隱獨存吳越錢王飭僧延壽恢拓舊基規制

較備其後大殿一燬於宋再燬於明三燬於

國朝順治十五年皆甫燬旋建克復舊觀近於嘉慶二十一年八月二十九日大殿復燬延及

行宮觀音殿經前撫臣楊夔循例入

奏

仁宗睿皇帝恩旨賞給運庫帑銀一萬兩以資建復於是商撫會同鎮浙將軍率各條屬首先倡捐得銀一萬一千兩有奇存貯運庫道光紀元四所商人金華新等呈請以各憲仰體

慈捐廉勸助今眾商咸願每引捐銀三分共銀十萬



七千兩有奇隨網遞輸存庫備用餘由住持儀謙虔  
心叩募浙東西及鄰省紳士之踴躍樂輸者前後亦  
以萬計閱歲凡六經費乃裕三年運司宋如林請發  
存項開工興建前撫委今遴擇董事葉道傳朱嘉猷  
孫培徐志震四人副以徐沂詳示規模責成領款構  
選木石甃瓦各料或分任或專司通力量才悉心經  
理造燬之宇以次營造及歲久傾圯之天王殿羅漢  
堂俱一律鼎新座補像裝金碧照耀其梁棟椳栱之  
修巨款融垣牆階砌之崇廣悉準前式勿侈勿媮方  
鳩工時頭山門又爲鄰火所燬諸董事捐資重築並

買民居被焚地拓之前緣以牆旁界以街觀瞻之肅  
視昔有加是役也川建造修葺數百十楹首各殿堂  
次經閣文碑亭以至客舍僧寮庫藏庖厨之所靡不  
一一完整舉次丹雘赫然煥然經始於道光三年七  
月初七日落成於八年四月十六日計川銀十三萬  
七千餘兩工鉅費節期速制堅無損民生有資衆教  
來觀者悟華嚴法界如聖域賢關不可磨滅因起樂  
善悔過之心厥功偉矣獨念斯寺深藏林壑遠隔市  
廛而自宋以來屢遭火燬豈寺僧之不慎亦有數存  
乎其間耶繼自今住持僧當思締造之艱益矢護持

之力安禪鷲嶺邀佑龍天斯誠余所深望者夫名勝之區莫敢終廢況寺爲

列翠華之所隔幸

仁廟恩帑之所寵頒

聖寶儲藏山靈森衛余來適觀其成是不可以無紀也爰徇諸紳士之請而敘其建復之端委俾後之修志業者有所考焉

欽命兵部侍郎兼都察院右副都御史巡撫浙江等處地方提督軍務兼管兩浙鹽政加一級紀錄十四次劉栻士撰并書道光八年歲在戊子夏四月初一日

建

具呈四所商人金華新等爲額請公帛以則仰

聖仁而資重建事切西湖雲林禪寺爲全浙古刹創由  
晉代撫自

聖朝鶻嶺岩峯實東南之勝境蓮峰秀削乃吳越之禪

宗基逢

高宗純皇帝六次南巡屢沐

翠華之臨幸茲選

宸勅之輝煌溯自雍正年間前官保兼鹽政李興修殿  
宇整舊一新志乘昭垂班班可考詎嘉慶二十一年

不遠於火大燬被焚時際大憲大運進京面奉

仁宗睿皇帝垂詢荷蒙

恩旨欽發帑金一萬兩令寺僧募建現奉

鹽二憲暨通

府廳州縣場所捐廉勸助除撥寺僧赴楚購料運回  
以備工用外惟是殿宇高深廣闊總須按照舊時成  
式辦理約計現在存買之料只敷工需十分之二其  
餘料物工作不敷甚鉅委是工程浩大勸募爲難若  
不急籌興建則以前領帑購存木料值常年露處而  
淋日晒朽腐必致前功盡棄經始無期商等日擊情  
形緣思該寺前因閣宇損壞鹽務軍商曾經立款捐

修有案此次復禁分別仰體

皇仁憲德共効眾擎之舉爰是公同籌議等情願專立  
林廟捐款每引輸銀三分卽于詳准奉批之日爲始  
無分綱分隨卽起輸以爲該寺建復之資數足停止  
所有工程事務另容公舉誠實諳練董事數名責成  
會同該寺僧實心經理一俟廟工銀兩捐有成數卽  
由董事會同請領俾得卽時庀材鳩工以期速成善  
舉庶旃越復重沾

聖澤涵濡輸與重新共仰憲恩優渥爲此備情環叩伏  
乞大憲大人俯賜鑒准批司立案誠爲德便上呈

道光元年正月初五日呈

批 據呈雲林寺工料等項不敷甚鉅該商等議請  
每引捐輸銀三分以爲該寺建復之需甚屬可嘉應  
如所呈無分綱分隨卯起輸俾成善舉仰鹽運司卽  
飭該商等公舉誠實諳練董事會同該寺僧實心經  
理務須工歸實在毋得稍有虛糜致干未便

重建雲林寺記

朱嘉猷

外溪

靈隱寺在今杭州武林山距城十餘里其山控湖拒  
江有龍盤鳳翥之狀東晉咸和三年竺僧慧理至武  
林見飛來峰而歎曰此爲天竺靈鷲峰小嶺不知何

代飛來徘徊久之於是結山木之因緣闢倦室之區  
宅連建五刹靈鷲靈山靈峰等或廢或更惟靈鷲獨  
存後因年久頽廢寺燬僧散復經永明壽禪師重爲  
開拓殿宇一新宋宣和五年閏十二月八日正殿被  
焚九年住持曇瓚建復舊規旋于前明隆慶三年燬  
于雷火萬厯壬午住持如通開講說法士庶雲集鳩  
工庀材百廢俱舉越五年而竣事

國朝順治六年住持具德和尚重加修整殿宇一新  
戊戌年大殿遇火至辛丑七月十七日大殿與天王  
殿同日興建宰官護法檀越施財貧者用力役夫助



二不三年而各殿俱成今於嘉慶二十一年八月二十九日大殿又遭焚燬沿及

行宮觀音各殿當奉前撫憲楊附片 奏明奈工程浩

大建復綦難估特儀謙堅金剛心發勇猛力不避風雨寒暑沿街拜經叩募兩載以來誠心感格上蒼護佑于二十三年十月奉前監憲廣大運回浙傳奉

仁宗睿皇帝恩旨賞給運庫帑銀一萬兩餘聽該住持自行募化以資建復旋荷各大憲首先創捐銀一萬數千兩至道光元年正月經四所眾商金肇新等仰體

皇恩惠德呈請每引捐銀三分爲建復之資緣董理之人未及興建延至道光三年經前運憲朱誠心啟延延董事指示規模責成請領捐款時葉道傳孫培徐志震及嘉猷并外延幫理董事徐沂購選木石磚瓦各料雖分任其責仍總理其事督同各匠實心經辦於道光三年七月初七日破土興工承辦數載不獨大殿建復煥然悉循其舊并兩傍之

行宮觀音殿一齊復建前至天王殿及西戒堂下之羅漢堂五十四間按查碑記式樣逐一補裝週圍佛像嚴麗金碧輝煌以補前建之不足共計建造修葺數

十餘進自內至外各殿各堂各樓各亭各寮各舍脫  
體更新悉因大殿焚燬建復詎於七年正月二十五  
日頭山門又被鄰火沿焚幸大工未竣經董事等復  
捐資購買焚燬民地添建照牆併於山門兩傍置買  
餘地建設水衝又將山門建復一新併得不連民屋  
尤壯觀瞻更避風煙而資經人皆仰

大恩覆育

聖澤涵濡得資興復如此巨麗殆一時罕觀也謹記

重建雲林寺大殿記

梁田春臘

雲林寺建於晉咸和元年代有興廢今寺則

國朝順治時留宏禮所募建也康熙四十二年留遭  
祝融之災越百餘年爲嘉慶廿一年復不戒於火延  
及大殿工費繁重未能猝復蒙

皇帝賜帑金一萬兩其時撫浙者黃梅帥公承瀛離  
使則長白廣公泰都轉則長白宋公如林相與謀捐  
費並諭商樂助未及舉行俄奉

命裁鹽政歸巡撫兼治而帥公適當其任定議卽於鹽  
課內每引捐三釐得銀若干商眾踴躍遂以集事擇  
於道光三年七月初七日興工四所商人公舉董厥  
事者而以四預其數其呈院司允准行札知飭時

服初閱將爲赴部計力辭不獲命以中丞前爲大京  
兆田田曾爲御史相詩甚優都轉在京第又與田望衡  
劉宇過從景文兩公皆以舊識故樂田爲之贊襄也  
董事五人田爲首其子道傳金君枝朱君嘉猷孫  
君培後金君命其子世樟代其役葉君旋病沒改舉  
徐君沂金君世樟又奉派總杭所商事復改舉徐君  
是與諸董事各有專司或工程或出納或購材木或  
新使錢之屬蓋部轉宋公親爲之圖定而以田贊襄  
之於是鳩工庀材邪許之唱聲入雲際空山猿狖聞  
而爲之翔舞得梁木於漢口得柱木於南京皆浙地

所不能有也中間山門復燬拓地而崇大之次第舉  
舉珠祐鳳麟轉興一新花曳虹幡霞連繡棋固不待  
給孤長者之布金空地也三十六相復莊嚴而重飾  
之四方過而瞻仰者莫不贊歎嗟異合十膜拜無虛  
日積五寒暑之勤始告成功實道光八年七月也物  
力愈罄於前宏規無減於舊非佛慈之佑曷能臻此  
計前康熙建此爲癸未七月興工今復道光光癸未  
七月興工成於戊子七月前後百廿載中日月遙遙  
恒應洵有數存乎其間哉 用旣身司其事目觀其成  
從此千百年後開替戾之岡追溯今時盛事安可無

一言以記之因敘其緣起俾觀者識其大略如是  
見能和尙入院後重建飛來峰坊續置山地數

率字號地五釐

率字號地五釐

率字號地三分八釐四毫二絲五忽

率字號地四毫一絲六忽

重建大殿破土疏

道光三年癸未秋七月七日重建大雄寶殿興工破  
土師執拄杖云

太平天子正當陽八載虔求佛放光感動檀施過百萬

淨除瓦礫下錢唐古德云世尊昔日隨宜說法諸天  
圍繞佛卽以指指其地云此處可建一大梵剎爾時  
天帝釋卽拈一莖草插其地而白佛言建梵剎已竟  
佛乃空手而笑箇妙義有大因緣在並非遊戲神  
通事末法比丘何能參究本寺仰蒙

皇上天恩賜帑車輿一時地方各憲縉紳居士諸大善  
人盡力捐輸筆吉奉

興工是日祥風應律秋目清華恭迎大中丞以下各  
憲並諸大謨法善人降臨賴我佛慈悲百靈效順工  
件取裁合度職司備辦咸宜頓令首剎粵興實仰被



於

皇仁帝德大工經始期不辜於檀度信施今日雲林鳩  
工運木與昔天帝拈草插地是同是別若道同去凡  
聖差殊若道別似法門有二果能道得此語國山僧  
與爾拄杖子良久云圓棧入妙道昌隆薦領能教隔  
礙通利剎塵塵與梵剎都緣佛一指圖中卽開工

附謝土疏

道光八年歲在戊子大工告竣謹擇於四月十五日  
謝土先期起建水陸道場上報

因恩並酬信次則延羽士另結華壇崇宣

寶笈爲訓士安神法事奉請十方眞宰鑒祇本寺十  
八伽藍當境諸大侯王齊登法會雲聚與芻蕘共獻  
香花偕肴核並陳回向先申證明此意百司隸責不  
失保持云哉超工誠非容易落成首利端賴神庥念  
經費之浩繁幸邀藏事宜奉安於座次下器愚忱佳  
持 儀 謹 具

鐃鐘疏

開鐃鐃鐘師拈如意云載繁載祝告備告虔五金積  
地重翻耀天古德云般若似大火聚所以大末盡處  
處能緣卻下能緣於火聚世間心亦處處能緣唯不

能緣於般若山僧看來火聚卽是般若不見善則參  
見熱勝婆羅門輒令先入火山隨後相見善財時有  
所措躍火中忽然通身解脫徧體清涼目前之事  
卻與古人無二舉如意云頑金待鑄聲徹山中發界  
清涼智慧流通卽開鐺

臥鐺軒上梁說法

師晨拄杖云

聖跡昭垂後山林永不磨會當

天藻現下賜野僧和一点云此是

高宗純皇帝於乾隆十六年仲春之月

翠華臨幸爾時

聖心悅豫下 示一偈雲居十笏暫徘徊翠柏蒼松及

古梅何必山僧門外立嵩呼且向个中來

飭令或和句或答轉語時我三峰第四代上巨下濤  
果祖卽頃奉和恭呈

御覽僧出問請和尚這轉語如何下師云不見道咫尺  
天顏母敢隕越

恩許拜颺入門匪粹進云這是七八十年前事與今日  
事不相交涉舉此何義師以杖指樑偈云頌聖題樑  
因緣是一世有三朝天無二日上昇

重建觀音殿上梁說法

師以杖叩樑一下問大眾云有聲否眾答言有聲師  
拄杖良久復問大眾無聞否眾云無聞師云爾眾盡  
皆隨語生解不向這裏尋求聲無聲有是彼聲塵或  
有或無豈爾聞性復以杖叩樑而作頌云仰荷鴻施  
檀度力層層法宇遵前式山僧非是善尋求若計有  
無翻漏仄

三尊主佛開光說法

弟子荷蒙

皇上天恩地方各憲縉紳居士諸大善人鴻施之力俾

大功告成莊嚴三尊主佛金相選吉開光奠安寶座  
敬謹醮筆恭誦手胼足胝十三年血汗通流佛見憐  
今日青蓮華日現三峰家事少安全諸仁者山僧從  
爐鑪裏煅煉一回終然濟不得個恁事不過紀恩紀  
事而已大展三拜

梵宇

山門

飛來峰三字

恭摹

宸翰重鐫

雲林二字

恭摹

宸翰

禪門法紀四字

恭摹

宸翰

驚嶺龍宮四字

恭摹

宸翰重鐫

涌翠披雲四字

恭摹

宸翰

春淙亭

瀑來亭

道光乙酉荷澤何斌書舊名瀑雷亭

冷泉亭

甲子冬日梁同書補書時年八十二

翠微亭

道光乙酉長白松齡書

天王殿

最勝覺場

錫山龔勉書

大殿

大雄寶殿

重建高十三丈五尺道光八年四月十六日落成

法堂

高提祖師

杭州等處織造陳秉正書

解脫佛法

雍正四年孟冬浙江巡撫李衛書

正法眼藏

王時敏書

如來正印

方丈

慧力重光

乾隆丁酉秋九月撫浙使者陞任湖廣總督三寶書

直指堂

客堂

仙嶠雲歸

巨濤書



梵香閣下額

名山慧業

晉陵錢維城書

看月樓

巨濤書

青蓮閣

華嚴閣三字

雍正九年歲次辛亥孟夏

宮保尚書李衛書

嵩華翠嶺

乾隆二年丁巳四月西川胡瀛書

水陸堂

天香法界

乾隆己酉嘉平月徐觀政書

雲花深處

同上

普賢閣

正等覺

何咸書

靜寄

聯燈閣

雲林經藏

嘉慶庚午吳門石韞玉書

大悲閣

雲隱書藏

嘉慶十四年阮元題

千佛閣下額

千江明月

浙江布政杜官清書

萬峰直入

浙江學政潘世恩書

伽藍堂

功參亭毒

雍正八年住山沙門智廣書

鷲峰屏翰

雍正八年王國賢書

祖堂

徧界香浮

梁同書書

塔院

慧日塔院

射州宋曹書

永鎮靈山

弟子王時敏書

功垂寶地

康熙三十四年季春浙江總督朱宏祥書

慧日高懸

康熙七年戊申原總兵周方蘇書

法壽堂

忍山道人書

經書寮 晦叟書

補梅軒 阮元題

守正樓 徐觀政書

補雲軒 了緣頭陀題

禪堂

選佛場 王時敏書

祇園房

松靄 梅昌言有松篁發春靄句取以爲額竹垞居士朱彝尊入分書

紫竹林 海甯陳世倌

法施勝因 董其昌

施無畏

九沙萬經

棲雲軒

趙仲穆大小皆篆

妙應閣

三字華亭陸祖修書

香積度門

九十五翁陸樹聲題華亭董其昌書

淨業堂

三河孫隆書

祖席重恢

儀部郎黃汝亨題

古香堂

夏時書

九蓮堂

無所住菴丁敬書

借秋閣

華亭陸祖修爲匡友願海二道文題

緇流狷者

湖山長雲間沈匡濟題爲無新上人

敕賜雲林寺募化重建大殿緣啟

得律明 德慧

浙杭西山北高峰卽郡誌所載武林山者是也山之麓有慧理道場古靈隱寺在焉粵自東晉咸和間慧公由西竺至此讚山水之奇絕與西鷲相似遂名案山爲飛來峰意若西竺之小峰飛來住此故名遂建茲寺歷唐宋元明以來人物之代出寺院之興廢不可詳舉至我

朝順治間寺景蕭條舊僧不忍棄置商同鄉紳耆老請我具德祖和尚來寺寺雖中興功實重建迄今殿宇崇高佛相雄偉誠大江以南一名勝前刹也疊荷

翠華臨幸

卷二

三

宸廟頻施凡車轍往來無不登臨游覽焉詎於嘉慶二十一年八月間因殿西側觀音閣不戒於火致將大殿一時燬去當蒙撫憲大人楊附片奏明仍著寺僧上緊募建以復舊觀等因在案伏思雲林爲浙江之首善而正殿乃全寺之要區茲經燬燼切歎坵墟旣不堪長昏功課朔望祝釐之無所凡官憲士民瞻拜者亦悼其失憑納律明延達至此分應遵飭上緊叩募爭奈僧盈五百與往來挂單食指浩繁謀食不暇特派同儕各路分募俾襄大舉尚望十方善士五福

貴人龍賜於全城拾珍珎共成善果飾金錢於地  
至厚崇以多施庶合鳩工庀材經營有日行見畧完  
細宇仍還千古之舊觀卓偉金容復煥一時之新目  
詳疏

十二年

敕賜雲林寺重建大殿募緣疏

釋儀清

蓋聞大地山河本四輪而常轉普天日月懸萬劫以  
增輝經駛白馬記洛下之迦藍相衍青鸞說須彌之  
諸寶蓮裝金刹烟煥琳宮結緣願者因詞如既垂不  
朽樂成功者方更新敢懼維艱浙省雲林寺者古名  
虛隱之山以昔叢林之首東南都會恒此稱雄西北



浮雲於茲集瑞眞欲界之仙都塵寰之淨域也詎意  
歲當丙子月杪中秋忽遭災惑之威星馳電激倏盡  
如來之界翳歇煙消儀清盡傷大廈之焚如痛憫  
諸天之閔若計其建造未提非十萬而難完算彼功  
程白鏹豈錙銖而能積惟有虔誠叩募立志重興溯  
維

昭代之初元亦被炎精之肆烈時則住持僧宏禮殫心  
力之勤發人天之願頓成華構之觀大啟靈山之鎮

聖祖仁皇帝

高宗純皇帝鑾輿屢幸

賜物類頒

御札飛毫動雲霞之氣象

天文表額煥星斗之昭回遂歷千古以常新咸仰三垣  
而快怵慈闕禪心映月年年頌

帝道之遐昌海水澄波歲歲祝

皇輿之鞏固出戎多寶信佛力之無涯雲護重輪合  
天心之有眷茲於二十三年十一月荷蒙

皇上賜給大殿工料銀一萬兩爰作建修之費誠爲極  
人之恩聚億萬姓黃頭白首而懽騰會十一部鄉宦  
紳耆而期臨但燕工則尙期佐助故帑項暫請存司

駕溥爲梁重建香雲之宇成裘集腋大開甘露之門  
積十萬外之金錢復二千年之院宇惟望大邦貴宦  
省會名賢作喜捨之檀那成樂輸之護法爾昌爾熾  
顯分布地銀沙立德立功樂灑彌天玉雨並見龍鱗  
棲起居然花散維摩雀目窗閒依舊風清羅漢謹疏